

coi'-cheangal re luchd-àiteach-adh na tìre, agus gu'n d'théid iad le strìopachas 'an déigh an diathan, agus gu'n d'thoir iad ìobairt d'an déibh; agus gu'n d'thoir *neach* cuireadh dhuit, agus gu'n ith thu d'a ìobairt;

16 Agus gu'n gabh thu d'an nigheanaibh do d' m'hic, agus gu'n d'théid an nigheana le strìopachas 'an déigh an diathan<sup>a</sup>, agus gu'n d'thoir iad air do m'hic dol le strìopachas 'an déigh an diathanna.

17 Cha dean thu dhuit féin dée leaghta.

18 Féisd<sup>b</sup> an arain neo-ghoir-tichte cumaidh tu: seachd laithean ithidh tu aran neo-ghoir-tichte, mar a dh'aithn mi dhuit ann an àm a' mhìos Abib<sup>c</sup>; oir anns a' mhìos Abib thàinig thu mach as an Eiphit.

19 Gach *ni* a dh'fhosgla a' thru<sup>d</sup> *is* leams' e; agus gach ceud-ghin am measg do spréidhe, *na's ann* do'n bhuar<sup>e</sup> no do na cooraich e a *bhios* *frionn*.

20 Ach ceud-ghin afaill suasglaidh tu le h-uan; agus mur suasgail thu e, 'an sin brisidh tu amhach<sup>f</sup>. Uile cheud-ghin do m'hae suasglaidh tu: agus cha nochdar<sup>g</sup> a h-aon a'm' lathair-sa salamh.

21 Sè laithean ni thu obair; ach air an t-seachdamh là gabhaidh tu fois; ann an àm an treabhaidh agus anns an fhoghar gabhaidh tu fois.

22 Agus cumaidh tu féisd nan seachduine, a' cheud toraidh do

fhoghar a' chruithneachd; agus féisd a' chròdhaidh<sup>h</sup> ann an deireadh na bliadhna.

23 Tri uaire 'fa' bhliadhna nochdar do m'hic uile 'an lathair an Tighearna Iehobhah, Dé Israeil:

24 Oir tilgidh mi mach na cinnich romhad, agus ni mi do chrìocha ni's farfainge; agus cha mhiannaich duine 'sam bith t'fhearann, an uair a théid thu suas g'ad nochdadh féin 'am fianuis an Tighearna do Dhé, tri uaire 'fa' bhliadhna.

25 Cha 'n ìobair thu fuil m'ìobairt-fa le taois ghoirt, cha mhò a dh'fhàgar gu madainn ìobairt féisd na caisge.

26 Toiseach ceud thoraidh t'fhearainn bheir thu do thigh an Tighearna do Dhé. Cha bhruich thu meann 'am bainne a mhàthar.

27 Agus thubhairt an Tighearna re Maois, Sgrìobh thusa na focail fo: oir a réir brì' nam focal fo rinn mise coi'-cheangal riut féin, agus re h-Israel.

28 Agus bha e 'n sin maille ris an Tighearna dà fhichead là agus dà fhichead oidhche; cha d'ith e aran, ni mò dh'òl e uisge: agus sgrìobh e air na clàir focail a' choi'-cheangail, na deich àitheanta.

29 Agus an uair a thàinig Maois a nuas o fhliabh Shinai (le dà chlàr na fianuis ann an làimh Mhaois, an uair a thàinig e 'nuas o'n t-fliabh) cha robh fios aig Maois gu'n do dhealraich croi-

†

U

cionn

<sup>a</sup> dée. <sup>b</sup> féill, fheadh, cuirm. <sup>c</sup> mìos a' cheud thoraidh. <sup>d</sup> a' cheangail. <sup>e</sup> chròdh. <sup>f</sup> mhuineal. <sup>g</sup> taisbeanar. <sup>h</sup> féisd a' chruithneachaidh, cuirm an deire-tharraing.